



Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 13. alineja 18. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09) i člana 115. stav 2. Statuta Općine Breza („Službeni glasnik Općine Breza“, broj 8/09 – Prečišćeni tekst“), Općinsko vijeće Breza na sjednici održanoj 26.09.2013. godine, donijelo je

## **ODLUKU**

**o stipendiranju studenata i učenika srednjih škola sa područja Općine Breza**

### **I – OPĆE ODREDBE**

Član 1.  
(Predmet Odluke)

Ovom Odlukom utvrđuju se uslovi, način, postupak i kriteriji za dodjelu stipendija redovnim studentima i učenicima srednjih škola koji su državljani Bosne i Hercegovine i imaju prebivalište na području Općine Breza.

Stipendije po ovoj Odluci dodjeljuju se za redovni studij na visokoškolskim ustanovama redovnim i samofinansirajućim studentima kao i redovnim učenicima srednjih škola na području Bosne i Hercegovine.

Član 2.  
(Korisnici stipendija)

Pravo na dodjelu stipendije, na način i po kriterijima koji su utvrđeni ovom Odlukom, imaju redovni studenti prvog i drugog ciklusa studija i redovni učenici srednjih škola.

### **II – POSTUPAK DODJELE STIPENDIJA**

#### **A - Konkurs**

Član 3.  
(Raspisivanje konkursa)

Stipendije se dodjeljuju kandidatima na osnovu konkursa kojeg raspisuje Općina Breza – Služba za finansije, inspeksijske poslove i opću upravu.

Konkurs će biti objavljen na oglasnoj ploči, web stranici Općine Breza i putem lokalnog medija.

Član 4.  
(Sadržaj konkursa)

Konkurs za dodjelu stipendija sadrži podatke o:

- a) ukupnom iznosu sredstava namijenjenih stipendiranju,
- b) visini stipendija i broju mjesečnih rata u kojima će se vršiti isplata,
- c) kandidatima koji imaju pravo učešća na konkursu,
- d) kandidatima čije prijave neće biti uzete u razmatranje,
- e) kriterijima na osnovu kojih se vrši izbor kandidata,
- f) dokazima koje kandidati prilažu uz prijavu na konkurs,
- g) roku za prijavu na konkurs i organu kojem se prijava podnosi.

Član 5.  
(Pravo učešća na konkurs)

Pravo učešća na konkurs imaju kandidati koji ispunjavaju sljedeće uslove:

- a) da su državljani Bosne i Hercegovine;
- b) da imaju prebivalište na području općine Breza u trajanju od najmanje 24 mjeseca;
- c) da su redovni studenti prvog ili drugog ciklusa studija na visokoškolskim ustanovama ili da su redovni učenici srednjih škola na području Bosne i Hercegovine;
- d) da su prvi put upisali tekuću akademsku-školsku godinu.

Član 6.  
(Izuzete od prava učešća na konkursu)

Pravo učešća na konkursu nemaju:

- a) studenti apsolvanti;
- b) studenti i učenici koji u tekućoj godini na istom ili drugom fakultetu ili srednjoj školi, upisuju istu godinu studija ili isti razred srednje škole;
- c) vanredni studenti i učenici
- d) studenti i učenici koji primaju stipendiju ili studentski kredit po nekom drugom osnovu;
- e) studenti koji su se prvi put upisuju na visokoškolsku ustanovu poslije navršene 25. godine života;
- f) studenti koji studiraju na visokoškolskim ustanovama i učenici koji pohađaju srednju školu van Bosne i Hercegovine;
- g) studenti i učenici koji koriste povlasticu za prevoz koji finansira Općina Breza;
- h) studenti i učenici čiji članovi domaćinstva ostvaruju prihode preko 300,00 KM, po članu domaćinstva.
- i) Studenti - učenici čiji članovi njegovog porodičnog domaćinstva obavljaju obrtničku ili srodnu djelatnost ili su vlasnici nekog od oblika privrednog društva.

## **B – Prijava na konkurs**

Član 7.  
(Dokumentacija uz prijavu na konkurs)

Zainteresovani kandidati uz prijavu na konkurs, trebaju priložiti sljedeću dokumentaciju (original ili ovjerena kopija):

- a) kopiju lične karte studenta, kopiju lične karte roditelja za učenika srednje škole;
- b) CIPS uvjerenje o prebivalištu
- c) ovjerenu izjavu kandidata, ili roditelja kandidata, da ne prima stipendiju niti studentski kredit po drugom osnovu;

- d) potvrdu o redovnom studiju – školovanju sa naznakom da je student prvi puta upisao određenu godinu studija od nosno razred srednje škole;
- e) ovjerene kopije svjedodžbi od I-IV razreda srednje škole (studenti prve godine studija), odnosno svjedočanstvo iz predhodne školske godine za učenike srednjih škola;
- f) dokaz o izboru učenika generacije (za učenike prve godine srednje škole ili studente prve godine prvog ciklusa studija) ili svjedočanstvo iz predhodne školske godine za učenike srednjih škola;
- g) uvjerenje od visokoškolske ustanove o svim položenim ispitima tokom cjelokupnog prethodnog studija sa izvedenom prosječnom ocjenom (studenti II i viših godina studija i studenti drugog ciklusa studija),
- h) izjavu o zajedničkom domaćinstvu-kućna lista, ovjerena od nadležnog općinskog organa (ne starija od šest mjeseci);
- i) dokaz o prihodima za svakog punoljetnog člana domaćinstva, odnosno uvjerenje o nezaposlenosti svakog punoljetnog člana domaćinstva,
- j) nalaz i mišljenje nadležne ljekarske komisije (Institut za medicinsko vještačenje zdravstvenog stanja) o tjelesnom invaliditetu;

Ukoliko se utvrdi da je dokumentacija uz prijavu na konkurs nepotpuna, neblagovremena i neuredna , prijava na konkurs se neće uzeti u razmatranje.

Ako student ili učenik ostvari pravo na stipendiju, a utvrdi se da su dostavljeni podaci netačni, odnosno da je ostvario pravo na stipendiju po osnovu falsifikovane dokumentacije, stipendija se obustavlja i isplaćene rate stipendije se vraćaju davaocu stipendije.

#### Član 8.

(Postupak po konkursu)

Prijava na konkurs sa potrebnom dokumentacijom podnosi se Općini Breza – Službi za finansije, inspeksijske poslove i opću upravu, a izbor kandidata kojima će biti dodijeljena stipendija vrši se primjenom kriterija utvrđenih ovom Odlukom.

### C – Kriteriji za izbor kandidata

#### Član 9.

(Kriteriji)

Izbor kandidata vrši se na osnovu liste sačinjene bodovanjem po sljedećim kriterijima:

- a) ostvareni uspjeh tokom studija odnosno školovanja,
- b) godina studija - školovanja,
- c) ekonomska-socijalna situacija,
- d) utvrđeni tjelesni invaliditet.

#### Član 10.

(Ostvareni uspjeh)

Na osnovu ostvarenog uspjeha (prosjeck ocjena u predhodnoj školskoj godini) kandidat ostvaruje bodove:

- 1. učenici srednjih škola
  - a) za učenike prve godine srednje škole
    - izvrstan (prosjeck ocjena 5,0).....7 bodova
    - odličan (prosjeck ocjena iznad 4,50 – 4,99).....5 bodova
    - vrlo dobar (prosjeck ocjena od 3,50 – 4,49).....3 boda
    - dobar (prosjeck ocjena od 2,50 -3,49).....1 bod

- b) za učenike druge i ostalih godina srednje škole
- izvrstan (prosjeak ocjena 5,0).....10 bodova
  - odličan (prosjeak ocjena iznad 4,50 – 4,99).....7 bodova
  - vrlo dobar (prosjeak ocjena od 3,50 – 4,49).....5 boda
  - dobar (prosjeak ocjena od 2,50 -3,49).....2 boda

2. studenti prve godine prvog ciklusa studija:

- a) za studente koji su u toku srednjoškolskog obrazovanja ostvarili prosječan uspjeh **odličan**, bodovanje se vrši tako što se prosječna ocjena uspjeha uveća za 4 i množi sa koeficijentom 5;
- b) za studente koji su u toku srednjoškolskog obrazovanja ostvarili prosječan uspjeh **vrlo dobar**, bodovanje se vrši tako što se prosječna ocjena uspjeha uveća za 3 i množi sa koeficijentom 5;
- c) za studente koji su u toku srednjoškolskog obrazovanja ostvarili prosječan uspjeh **dobar**, bodovanje se vrši tako što se prosječna ocjena uspjeha uveća za 2 i množi sa koeficijentom 5;
- d) za studente koji su u toku srednjoškolskog obrazovanja ostvarili prosječan uspjeh **dovoljan**, bodovanje se vrši tako što se prosječna ocjena uspjeha uveća za 1 i množi sa koeficijentom 5;
- e) studentima prve godine koji su bili učenici generacije u srednjoj školi dodaje se još 20 bodova.

3. studenti druge i viših godina prvog ciklusa studija, kao i studenti prve/druge godine drugog ciklusa studija:

- a) bodovanje se vrši tako što se prosječna ocjena svih položenih ispita u toku studija uključujući i prvi ciklus, množi sa koeficijentom 5;

4. Za godinu studija:

- studenti druge godine 4 boda
- studenti treće godine 6 bodova
- studenti četvrte godine 8 bodova
- studenti pete godine 10 bodova
- studenti šeste godine 12 bodova

Član 11.

U skladu sa članom 5. stav 1. Okvirnog zakona o visokom obrazovanju, prvi ciklus studija traje najmanje tri godine i najviše četiri godine. Jedna godina studija vrednuje se sa 60 ECTS bodova. Iz odredbi člana 5. stav 1. izuzima se studij medicinske grupe nauka, koji se u prvom ciklusu studija vrednuje do 360 ECTS bodova, odnosno koji može trajati do 6 godina.

Drugi ciklus studija traje jednu ili edviije godine (zavisno od trajanja prvog ciklusa studija) i vrednuje se tako da u zbiru prvog ciklusa studija nosi 300 ECTS bodova. Koncept trajanja prvog i drugog ciklusa studija može biti 3+2 ili 4+1.

Studentima prve godine drugog ciklusa studija po konceptu 3+2 dodaje se 8 bodova (što odgovara četvrtoj godini studija).

Studentima druge godine drugog ciklusa po konceptu 3+2 dodaje se 10 bodova (što odgovara petoj godini studija)

Studentima drugog ciklusa po konceptu 4+1 dodaje se 10 bodova (što odgovara petoj godini studija).

Član 12.  
(Ekonomsko-socijalna situacija)

Po osnovu ekonomsko-socijalne situacije, kandidatima pripadaju sljedeći bodovi:

- a) po članu porodičnog domaćinstva.....2 boda
- b) student ili učenik bez oba roditelja.....15 bodova
- c) student ili učenik bez jednog roditelja.....10 bodova
- d) po invaliditetu studenta ili učenika utvrđenog po osnovu nalaz i mišljenja nadležne ljekarske komisije (Institut za medicinsko vještačenje zdravstvenog stanja).....10 bodova
- e) Studentima ili učenicima koji imaju status osoba sa posebnim potrebama utvrđen nalazom i mišljenjem nadležne ljekarske komisije (Institut za medicinsko vještačenje zdravstvenog stanja).....10 bodova
- f) po članu porodičnog domaćinstva sa invaliditetom 80% i više, utvrđenog po osnovu nalaz i mišljenja nadležne ljekarske komisije (Institut za medicinsko vještačenje zdravstvenog stanja).....3 boda
- g) po osnovu dva i više redovna studenta ili učenika iz jednog porodičnog domaćinstva, a koji ispunjavaju uslove propisane ovom Odlukom.....5 bodova
- h) Po osnovu prihoda po članu domaćinstva
  - 1) do 100 KM .....25 bodova
  - 2) od 101 KM do 150 KM ..... 15 bodova
  - 3) od 151 do 200 KM ..... 10 bodova
  - 4) od 201 do 300 KM ..... 5 bodova

- Ukupni prihodi čine prihodi koji članovi domaćinstva ostvaruju po osnovu plaća i drugih primanja iz radnog odnosa, starosne, invalidske i porodične penzije i druge djelatnosti i dopunskog rada;

- Prihodima se ne smatraju novčane naknade po osnovu invaliditeta za tjelesno oštećenje, novčana naknada za pomoć i njegu drugog lica, dodatak na djecu, stipendije i krediti učenika i studenata;

- Dokazi o prihodima u smislu ove Odluke su uvjerenja pravnog lica o plaći zaposlenika, penzijski ček, izjava kandidata o prihodima svih članova sa kućne liste.

- U slučaju da dva ili više kandidata imaju isti broj bodova, prednost imaju studenti slabijeg imovnog stanja, djeca poginulih boraca, šehida, poginulih branitelja i povratnika.

Član 13.  
(Izuzeće od kriterija)

Stipendija će se dodijeliti neovisno o kriterijima utvrđenim u članu 6. tačke g. i h. i člana 9. (bez bodovanja) i to:

Učenicima romske nacionalnosti koji su u predhodnoj školskoj godini ostvarili prosječnu ocjenu dobar i više;

Član 14.  
(ograničenja u dodjeli stipendije)

- a) Stipendija može biti dodijeljena samo jednom kandidatu iz jednog porodičnog domaćinstva
- b) Odredba stava a) ovog člana ne odnosi se na djecu bez oba roditelja.

## Član 15.

(Visina i način isplate sredstava)

1. Ukupna planirana budžetska sredstva opredijeljena za stipendiranje studenata i učenika srednjih škola raspoređuju se na način da se dodijeli jednak broj stipendija za studente i učenike srednjih škola.
2. Visina stipendije određuje se u sljedećim iznosima:
  - a) za studente u iznosu od 800,00 KM i isplata se vrši u 8 jednakih mjesečnih rata.
  - b) za učenike srednjih škola u iznosu od 400,00 KM i isplata se vrši u 8 jednakih mjesečnih rata.

## Član 16.

(Komisija)

Općinski načelnik rješenjem formira Komisiju od predstavnika Općine, koja pribavlja podatke o dodijeljenim stipendijama drugih davalaca, vrši bodovanje prijavljenih kandidata u skladu sa kriterijima iz ove Odluke i sačinjava dvije odvojene preliminarne liste kandidata za dodjelu stipendija.

Prva preliminarna lista tretira kandidate na visokoškolskim ustanovam, a druga preliminarna lista tretira kandidate učenike srednje škole.

Preliminarne liste ističu se na oglasnoj ploči i web stranici Općine.

Na listu se može izjaviti prigovor Komisiji iz stava 1. ovog člana u roku od 8 dana od dana objave liste. O Rješenju po prigovoru odlučuje nadležna komisija. Po rješavanju prigovora komisija sačinjava dvije odvojene konačne liste koje se oglašavaju na oglasnoj ploči općine i web stranice općine. Na osnovu konačne liste nadležna služba donosi rješenje kojim se priznaje ili odbija pravo na dodjelu stipendije.

Rješenje iz prethodnog stava se dostavlja svim aplikantima na konkurs, te ističe na oglasnoj ploči i web stranici Općine Breza.

Protiv rješenja dopuštena je žalba u roku od 8 dana od dana prijema rješenja.

Žalba se podnosi pismeno Komisiji, a o žalbi odlučuje Drugostepena upravna komisija Općinskog vijeća.

**III – ZAVRŠNE ODREDBE**

## Član 17.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-2821/13  
Breza, 26.09.2013. godine

**PREDSJEDAVAJUĆI**  
Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 6. Zakona o građevinskom zemljištu Federacije BiH ("Službene novine FBiH", broj: 25/03 i 67/05), člana 19. tačka 25. Statuta Općine Breza - Prečišćeni tekst ("Službeni glasnik Općine Breza", broj 8/09) i člana 7. stav 1. Odluke o građevinskom zemljištu ("Službeni glasnik općine Breza", broj 3/04, 9/06, 5/07, 9/07 i 6/10), Općinsko vijeće Breza na sjednici održanoj dana 26.09.2013. godine, d o n o s i

**O D L U K U**

o raspisivanju Konkursa za dodjelu neizgrađenog gradskog građevinskog zemljišta na trajno korištenje

## Član 1.

PRISTUPA SE raspisivanju Konkursa za dodjelu neizgrađenog gradskog građevinskog zemljišta na trajno korištenje, a u svrhu privođenja zemljišta trajnoj namjeni koje je označeno kao:

- k.č.br. 684/2 k.o. Breza (s.p.), što odgovara k.č.br. 1466/49 k.o. Mahala (n.p.) u površini od 225 m<sup>2</sup>.

Navedena nepokretnost se nalazi u okviru Regulacionog plana industrijske zone „Potkraj“.

## Član 2.

Početna naknada nepokretnosti iz člana 1. Odluke obuhvata:

- naknada ranijem vlasniku za preuzeto zemljište iznosi 150,00 KM/m<sup>2</sup>,
- naknadu iz osnova prirodnih pogodnosti - renta koja iznosi 6,00 KM/m<sup>2</sup> korisne površine objekta koji će se graditi.

## Član 3.

Za realizaciju ove Odluke zadužuje se Komisija za sprovođenje Konkursa za dodjelu neizgrađenog gradskog građevinskog zemljišta u državnom vlasništvu na trajno korištenje.

## Član 4.

Ova Odluka stupa na snagu osmog dana od dana objavljivanja u "Službenom glasniku općine Breza".

Broj: 01/1-02-2827/13  
Breza, 26.09.2013. godine

PREDSJEDAVAJUĆI:  
Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 14. stav 4. Zakona o eksproprijaciji („Službene novine FBiH“, broj 70/07 i 36/10) i člana 19. tačka 25. Statuta Općine Breza – Prečišćeni tekst ("Službeni glasnik općine Breza", broj 8/09), rješavajući po prijedlogu Općinskog pravobranilaštva Breza, za utvrđivanje javnog interesa za izgradnju infrastrukturnog objekta - ucjevljenje potoka kroz naselje Banjevac, Općinsko vijeće Breza na sjednici održanoj dana 26.09.2013. godine, d o n o s i

**O D L U K U**  
**o uvrđivanju javnog interesa**

## Član 1.

UTVRĐUJE SE DA JE OD JAVNOG INTERESA izgradnja infrastrukturnog objekta – ucjevljenje potoka kroz naselje Banjevac, te se radi izgradnje i održavanja navedenog infrastrukturnog objekta, može pristupiti nepotpunoj eksproprijaciji (ustanovljenju služnosti) na zemljištu označenom kao:

- k.č.br. 359/413 upisana u zk.ul.br.2759 k.o.Breza (s.p.), kao vlasnik nekretnine upisana je opštenarodna imovina, što odgovara k.č.br.1124 i 1125 k.o.Gornja Breza (n.p.) koja se vodi u posjedu kao državna svojina javno dobro vode.

## Član 2.

Utvrđuje se da je Općina Breza korisnik nepotpune eksproprijacije za izgradnja infrastrukturnog objekta – ucjevljenje potoka kroz naselje Bnjevaca, na zemljištu iz člana 1. stav 2. ove Odluke.

## Član 3.

Protiv ove odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana od dana dostavljanja ove Odluke. Tužba se podnosi neposredno nadležnom sudu.

## Član 4.

Ova Odluka stupa na snagu osmog dana od dana objavljivanja u „Službenom glasniku općine Breza“.

Broj: 01/1-02-2829/13  
Breza, 26.09.2013.godine

PREDSJEDAVAJUĆI:  
Općinskog vijeća  
Miro Vrljićak,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće  
Broj: 01/1-02-2809/13  
Breza, 26.09.2013.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Izvještaja o izvršenju Budžeta Općine Breza za 6 mjeseci 2013.godine, Općinsko vijeće Breza na sjednici održanoj dana 26.09.2013.godine, d o n o s i

**ZAKLJUČAK****I**

**USVAJA SE** Izvještaj o izvršenju Budžeta Općine Breza za 6 mjeseci 2013.godine.

**II**

Zaključak objaviti u „Službenom glasniku Općine Breza“.

Dostavljeno:  
1x Služba za priv.finan.i opću upr.  
1x Općinski načelnik,  
1x 01/1.,  
1x a/a.

PREDSJEDAVAJUĆI  
Općinskog vijeća  
Vrljićak Miro,s.r.

---

---



Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
**Općinsko vijeće**

Broj:01/1-2828/13  
Breza, 26.09.2013.godine

Na osnovu člana 101. stav 3. i 115. stav 3. Statuta Općine Breza - Prečišćeni tekst ("Službeni glasnik općine Breza", broj 8/09), Općinsko vijeće Breza na sjednici održanoj 26.09.2013. godine, d o n o s i

## ZAKLJUČAK

### I

Na osnovu Odluke o pristupanju prodaji stanova u stambenim zgradama u ulici Alije Izetbegovića, Džemala Bijedića i Filipa Lastrića i u stambeno-poslovnim zgradama u ulici Titova i Šehidska („Službeni glasnik Općine Breza“ broj 2/13), Komisija za javnu prodaju nepokretnosti u državnoj svojini provela je postupak javne prodaje stanova upisanih u knjigu položenih ugovora:

1. poduložak broj 446 k.o. Breza - stan broj 2, u površini 62 m<sup>2</sup>, koji se nalazi u potkrovlju stambene zgrade u ulici Filipa Lastrića 16, izgrađene na k.č. 481/19 k.o. Breza;
2. poduložak broj 427 k.o. Breza - stan broj 1, u površini 53 m<sup>2</sup>, koji se nalazi u potkrovlju stambene zgrade u ulici Džemala Bijedića b.b., izgrađene na k.č. 479/20 k.o. Breza;
3. poduložak broj 440 k.o. Breza - stan broj 3, u površini 61 m<sup>2</sup>, koji se nalazi u potkrovlju stambene zgrade u ulici Filipa Lastrića 20, izgrađene na k.č. 481/18 k.o. Breza;
4. poduložak broj 449 k.o. Breza - stan broj 2, u površini 61 m<sup>2</sup>, koji se nalazi u potkrovlju stambene zgrade u ulici Filipa Lastrića 22, izgrađene na k.č. 481/18 k.o. Breza;
5. poduložak broj 431 k.o. Breza - stan broj 3, u površini 36 m<sup>2</sup>, koji se nalazi u potkrovlju zgrade u ulici Džemala Bijedića b.b., izgrađene na k.č. 479/19 k.o. Breza.

### II

Nakon provedenog postupka javne prodaje, Komisija za javnu prodaju nepokretnosti u državnoj svojini konstatovala je da su najpovoljniji ponuđači:

1. za stan pod rednim 1. iz člana I ovog Zaključka, Begić Dževdeta, kći Esada iz Breze;
2. za stan pod rednim 2. iz člana I ovog Zaključka, Mojsilović Despot, sin Gruje iz Breze;
3. za stan pod rednim 3. iz člana I ovog Zaključka, Pandža Ana, kći Mate iz Breze;
4. za stan pod rednim 4. iz člana I ovog Zaključka, Rezaković Ševko, sin Mehe iz Breze;
5. za stan pod rednim 5. iz člana I ovog Zaključka, Čiva Sabir, sin Alije iz Breze.

### III

Ovlašćuje se Općinski načelnik da sa licima iz člana II ovog Zaključka, zaključi nove ugovore o prodaji stanova, obzirom da kupci iz objektivnih razloga nisu uplatili kupoprodajnu cijenu po ranije zaključenim ugovorima o prodaji stana.

## IV

Zaključak stupa na snagu danom objavljivanja u Službenom glasniku općine Breza

Dostavljeno:  
1x Služba za prostorno uređenje,  
zaštitu okolice, geod. i imov. prav. posl.  
1x Općinski načelnik,  
1x 01/1,  
1x Arhiva.

PREDSJEDAVAJUĆI:  
Općinskog vijeća  
Miro Vrljičak, s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Na osnovu člana 25. Zakona o građevinskom zemljištu FBiH ("Službene novine FBiH", broj: 25/03 i 67/05) i člana 19. tačka 25. Statuta općine Breza – Prečišćeni tekst ("Službeni glasnik općine Breza", broj 8/09), rješavajući po zahtjevu Dubljević Vladimira i dr., Općinsko vijeće Breza na sjednici održanoj 26.09.2013. godine, d o n o s i

## ZAKLJUČAK

**1. NE PRIHVATA** se ponuda Dubljević Vladimira sina Vojislava, Dubljević Svetozara sina Radovana, Stanišić Sonje r. Dubljević, Stanišić Vukana sina Jove, Dubljević Petre r. Jeftić, Dubljević Dragana sina Miloša i Dutin Dragane r. Dubljević, kao nosilaca prava korištenja, za preuzimanje neizgrađenog gradskog građevinskog zemljišta koje je označeno kao:

- k.č.br. 637/6 zv. "kućište i dvorište" površine 3105 m<sup>2</sup> upisano u zk.ul.br. 1307 k.o. Smrekovica, a koja odgovara parcelama novog premjera k.č.br. 412 i 411/2 k.o. Breza.

2. Imenovani mogu prenjeti pravo korištenja navedenog zemljišta na treća lica, ali ne po nižoj cijeni od one koja je ponuđena Općini Breza u iznosu od 155.250,00 KM, tj. 50,00 KM po 1 m<sup>2</sup>.

3. Ovaj zaključak stupa na snagu danom donošenja, a objavit će se u Službenom glasniku općine Breza.

## O b r a z l o ž e n j e

Dubljević Vladimir i drugi, zastupani po punomoćniku Dubljević Vladimiru sinu Vojislava iz Bijeljine, kao nosioci prava korištenja, obratili su se ponudom Općinskom vijeću Breza, putem Službe za prostorno uređenje, zaštitu okolice, geodetske i imovinsko-pravne poslove kojom traže preuzimanje neizgrađenog gradskog građevinskog zemljišta navedenog u tački 1. dispozitiva ovog zaključka ili da se da saglasnost za promet predmetne nekretnine na treća lica.

Na osnovu provedenog postupka je utvrđeno da dio predmetne parcele pada u granice zone za mješovito stanovanje a dio iste pada u zelenu zaštitnu zonu i da budžetom Općine Breza za 2013. godinu nisu predviđena sredstva za plaćanje naknade za preuzimanje navedene vrste zemljišta, time općina Breza nije zainteresovana za dostavljenu ponudu.

Saglasno odredbi člana 25. stav 2. Zakona o građevinskom zemljištu FBiH, može se pravo korištenja prenijeti na treće lice, ali ne po nižoj cijeni od one koja je ponuđena općini.

Protiv ovog zaključka nije dozvoljena žalba

Broj: 01/1-02-2826/13  
Breza, 26.09.2013.godine

PREDSJEDAVAJUĆI:  
Općinskog vijeća  
Miro Vrljićak,s.r.

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
Općinsko vijeće

Broj: 01/1-02-2807/13  
Breza, 26.09.2013.godine

Na osnovu člana 115. stav 3. Statuta Općine Breza („Službeni glasnik Općine Breza“, broj 8/09 – Prečišćeni tekst), prilikom razmatranja Programa održavanja privredno, kulturne i sportske manifestacije „Bazenijada 2013“ godine, Općinsko vijeće Breza na sjednici održanoj dana 26.09.2013.godine, d o n o s i

## ZAKLJUČAK

### I

**USVAJA SE** Izvještaj o održanoj privredno, kulturnoj i sportskoj manifestacije „Bazenijada 2013“. godine.

### II

Da se ostatak novčanog iznosa od 25.609,91 KM utroši za realizaciju kapitalnog projekta Općine Breza „Ucjevljenje potoka Jasike – faza II“

### III

Za realizaciju tačke II ovog Zaključka zadužuje se Općinski načelnik.

### IV

Zaključak objaviti u „Službenom glasniku Općine Breza.“

DOSTAVLJENO:  
1x Općinski načelnik,  
1x 01/1,  
1x Arhiva.

PREDSJEDAVAJUĆI  
Općinskog vijeća  
Miro Vrljićak,s.r

---

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
**OPĆINA BREZA**  
-Služba za privredu, finansije i opću upravu-

Broj: 02/1-05-2736/13  
Breza, 09.09.2013.godine

Na osnovu člana 12. stav 3. Zakona o ministarskim, vladinim i drugim imenovanjima Federacije BiH („Službene novine FBiH“, broj 34/03 i 65/13) i člana 7. Zakona o javnim preduzećima u Federaciji BiH („Službene novine FBiH“, broj 8/05 i 81/08), nakon provedenog postupka po oglasu za pozicije u reguliranim tijelima Općine Breza, koji je objavljen u „Službenim novinama Federacije BiH“, broj: 55/13 od 17.07.2013. godine, Skupština preduzeća – Služba za privredu, finansije i opću upravu dana 09.09.2013. godine, d o n o s i

**R J E Š E N J E**  
**o konačnom imenovanju članova Nadzornog odbora**  
**Javnog preduzeća „Veterinarska stanica“ d.o.o. Breza**

**I**

U Nadzorni odbor Javnog preduzeća „Veterinarska stanica“ d.o.o. Breza, imenuju se:

1. Omerhodžić Omer,
2. Frljak Emir,
3. Došlić Jasmina.

**II**

Predsjednik i član Nadzornog odbora JP „Veterinarska stanica“ d.o.o. Breza imenuju se na period od 4 godine, počev od dana imenovanja.

**III**

Nadležnosti Nadzornog odbora utvrđene su Zakonom o privrednim društvima, Zakonom o javnim preduzećima u Federaciji Bosne i Hercegovine, Odlukom o usklađivanju sa Zakonom o javnim preduzećima, JP „Veterinarska stanica“ Breza i Statutom Javnog preduzeća.

**IV**

Ovo Rješenje je konačno danom donošenja, a objavit će se u „Službenom glasniku Općine Breza“.

Dostavljeno:  
1x Omer Omerhodžić,  
1x Emir Frljak,  
1x Jasmina Došlić,  
1x JP „Veterinarska stanica“ d.o.o. Breza,  
1x Službeni glasnik Općine Breza  
1x 01/2,  
1x a/a.

Pomoćnik načelnika  
Meliha Beširević, s.r.

## S A D R Ź A J

- 272. Odluka o stipendiranju studenata i učenika srednjih škola sa područja Općine Breza.
- 278. Odluka o raspisivanju Konkursa za dodjelu neizgrađenog gradskog građevinskog zemljišta na trajno korištenje.
- 278. Odluka o utvrđivanju javnog interesa.
- 279. Zaključak o usvajanju Izvještaja o izvršeju Budžeta Općine Breza za 6 mjeseci 2013.godne.
- 280. Zaključak o pristupaju prodaji stanova u stambenim zgradama.
- 281. Zaključak o ne prihvatanju ponuda Dubljević Vladimira, Dubljević Svetozara, Stanišić Sonje, Stanišić Vukana i drugih.
- 282. Zaključak o usvajanju Izvještaja o održanoj pivredno, kulturno, sportskoj manifestaciji „Bazenijada 2013“ godine.
- 283. Rješenje o konačnom imenovanju članova nadornog odbora JP „Veterinarska stanica“ d.o.o. Breza.

